



Broj: 07-05-15-31601-2/24
Sarajevo, 13.06.2024. godine

Na osnovu člana 4. stav (1) Pravilnika o postupcima u provođenju programa razvoja male privrede ("Službene novine Kantona Sarajevo", br. 20/21, 25/23, 47/23 i 16/24), a u skladu sa Odlukom o usvajanju Godišnjeg plana provođenja Programa razvoja male privrede za 2024. godinu, broj: 02-04-27491-55/24 od 09.05.2024. godine i Odlukom o usvajanju Izmjena i dopuna ovog Godišnjeg plana, broj: 02-04-29617-50/24 od 23.05.2024. godine, Ministarstvo privrede Kantona Sarajevo objavljuje

JAVNI POZIV
za dostavljanje prijave za poticaj unapređenja poduzetništva u IT
industriji, industriji globalnih poslovnih servisa, metalskoj industriji i
drvnoprerađivačkoj industriji u svrhu novog zapošljavanja

I PREDMET POZIVA

Predmet ovog Javnog poziva je dodjela poticajnih sredstava za unapređenje, razvijanje i jačanje poduzetništva u IT industriji, industriji globalnih poslovnih servisa, metalskoj industriji i drvnoprerađivačkoj industriji u svrhu novog zapošljavanja.

II PRAVO UČEŠĆA

Pravo na dodjelu poticajnih sredstava po ovom Javnom pozivu može ostvariti subjekt male privrede koji je kao takav definisan Zakonom o poticaju razvoja male privrede ("Službene novine Kantona Sarajevo", broj 29/15) (u daljnjem tekstu: subjekt male privrede), koji podnese prijavu na ovaj Javni poziv i:

- 1) ako je registrovan najkasnije do 31.12.2022. godine,
- 2) ako ima najmanje pet zaposlenih na neodređeno vrijeme u punom radnom vremenu,
- 3) ako obavlja osnovnu djelatnost iz Tabele 1. ovog Poglavlja,
- 4) ako je u 2023. godini, ukoliko obavlja osnovnu djelatnost: 63.99, (69.10-74.90) i (78.10-79.90), ostvario više od 50% prihoda na stranim tržištima,
- 5) ako je njegovo sjedište na području Kantona Sarajevo,
- 6) ako je u prijavi dostavio projekat iz Poglavlja V tačka 3) podtačka a) ovog Javnog poziva u kojem su sadržani prihvatljivi troškovi iz Poglavlja IV ovog Javnog poziva (u daljnjem tekstu: projekat),
- 7) ako je u projektu predvidio provođenje internog programa obuke za određenu grupu polaznika (3 do 20 osoba) kojim se za ove polaznike obuke omogućava poboljšanje kvaliteta znanja i upotrebe savremene tehnologije iz oblasti koja se odnosi na osnovnu djelatnost podnosioca prijave, prilagođavanje radu kod podnosioca prijave i osposobljavanje iz oblasti koja se odnosi na osnovnu djelatnost podnosioca prijave,



- 8) ako je u projektu planirao obezbjeđenje vlastitog učešća u visini od najmanje 10% od vrijednosti traženih poticajnih sredstava po ovom Javnom pozivu,
- 9) ako je u projektu naveo da će nakon dana objave ovog Javnog poziva u 2024. godini realizovati interni program obuke iz projekta,
- 10) ako je u projektu predvidio zapošljavanje na minimalno jednu godinu barem jednog zaposlenika koji prođe interni program obuke iz ovog projekta,
- 11) ako je dostavio prijavu u skladu sa ovim Javnim pozivom,
- 12) ako ispunjava sve ostale uslove iz Javnog poziva i
- 13) ako je primjenom pravila i kriterija za odabir korisnika sredstava iz Poglavlja VIII tačka b) ovog Javnog poziva i limita ukupno planiranih sredstava iz Poglavlja III ovog Javnog poziva odabran kao korisnik sredstava.

Tabela 1. Popis registrovanih osnovnih djelatnosti obuhvaćenih Javnim pozivom

Popis registrovanih osnovnih djelatnosti obuhvaćenih Javnim pozivom		
Područje prema KD BiH 2010	Naziv područja prema KD BiH 2010	Obuhvaćene šifre djelatnosti iz područja prema KD BiH 2010
C	Prerađivačka industrija	(16.10-16.29), (24.10-24.54), (25.11-25.99), (27.11-27.12), (28.41-28.49), 28.91, 31.01, 31.02, 31.09, 38.32 i 43.22
J	Informacije i komunikacije	58.21, 58.29, 62.01, 62.02, 62.03, 62.09, 63.11 i 63.99
M	Stručne, znanstvene i tehničke djelatnosti	(69.10-74.90)
N	Administrativne i pomoćne uslužne djelatnosti	(78.10-79.90) i (82.11-82.99)

III IZNOS SREDSTAVA

Ukupan planirani iznos sredstava (limit): Ukupan planirani iznos sredstava (limit) finansijskih poticajnih sredstava za prihvatljive troškove po ovom Javnom pozivu je 500.000,00 KM (slovima: petstotinahiljada konvertibilnih maraka), a ova finansijska sredstva utvrđena su u Budžetu Kantona Sarajevo za 2024. godinu, na poziciji "Poticaj razvoju male privrede", ekonomski kod 614500, subanalitika IAP 005 i planirana u Godišnjem planu provođenja Programa razvoja male privrede za 2024. godinu (u daljnjem tekstu: Godišnji plan).

Maksimalni iznos poticajnih sredstava po pojedinačnom korisniku: Maksimalni iznos poticajnih sredstava koji se može dodijeliti po pojedinačnom korisniku je 100.000,00 KM (slovima: stotinhiljada konvertibilnih maraka), a sredstva se dodjeljuju u iznosu od po 10.000,00 KM za svakog zaposlenog radnika kojeg se projektom odabrani korisnik obavezao zaposliti na period od jedne godine.

IV PRIHVATLJIVI I NEPRIHVATLJIVI TROŠKOVI

Prihvatljivi troškovi:

- 1) Treninzi i specijalizirane obuke;
- 2) Troškovi angažmana eksperata i predavača;



Adresa: Reisa Džemaludina Čauševića 1, 71 000 Sarajevo
 Tel: + 387 (0) 33 562-122, Fax: + 387 (0) 33 562-226
 Web: <http://mp.ks.gov.ba>, E-mail: mp@mp.ks.gov.ba

- 3) Troškovi radnih materijala za obuke;
- 4) Troškovi iznajmljivanja opreme neophodne za obuke;
- 5) Troškovi nabavke opreme (osim mobilnog telefona) i uredskog namještaja koji su u direktnoj vezi sa predloženim projektom provođenja obuke;
- 6) Trošak bankovne garancije je prihvatljiv trošak, koji podnosilac prijave finansira isključivo iz vlastitog finansiranja, međutim isti se može priznati kao vlastito učešće iz Poglavlja II tačka 8) ovog Javnog poziva.

Napomena: Predmet nabavke koji spada u prihvatljiv trošak iz ovog Poglavlja mora dobavljati poslovni subjekt koji je registrovan i obavlja odnosnu djelatnost u skladu sa zakonskim propisima.

Neprihvatljivi troškovi:

- 1) Nabavka usluga i opreme od lica koja nisu registrovani poslovni subjekti;
- 2) Nabavka opreme koja je starija od 10 godina;
- 3) Troškovi putovanja;
- 4) Troškovi režija i održavanja;
- 5) Administrativni troškovi i troškovi osoblja koji se finansiraju poticajnim sredstvima po ovom Javnom pozivu iznad 35% vrijednosti traženih poticajnih sredstava,
- 6) Ostali troškovi koji nisu relevantni za implementaciju projekta.

V SADRŽAJ PRIJAVE NA JAVNI POZIV

Podnosilac prijave na Javni poziv mora dostaviti prijavu koja uključuje sljedeće:

- 1) **Prijavni obrazac**, ovjeren potpisom ovlaštenog lica i pečatom podnosioca prijave (original);
- 2) **Opće isprave i drugu opću dokumentaciju**, kako slijedi:
 - a) Aktuelni izvod iz sudskog registra za subjekt upisa izdat od nadležnog registarskog suda, odnosno rješenje za obavljanje obrta kao osnovnog zanimanja izdato od nadležnog općinskog organa (original ili fotokopija ovjerena od nadležnog organa - općina/notar);
 - b) Uvjerenje o poreskoj registraciji - identifikacijski broj (ID broj) izdato od Porezne uprave Federacije BiH (original ili fotokopija ovjerena od nadležnog organa - općina/notar);
 - c) Uvjerenje o registraciji obveznika poreza na dodanu vrijednost izdato od Uprave za indirektno/neizravno oporezivanje BiH ili u slučaju da podnosilac prijave nije obveznik po ovom osnovu potrebno je dostaviti uvjerenje Uprave za indirektno/neizravno oporezivanje BiH da isti nije upisan u Jedinostveni registar obveznika indirektnih poreza, ne starije od 60 dana od dana objave Obavještenja o Javnom pozivu u "Službenim novinama Kantona Sarajevo" (original ili fotokopija ovjerena od nadležnog organa - općina/notar);
 - d) Obavještenje o razvrstavanju podnosioca prijave prema klasifikaciji osnovne djelatnosti, koje izdaje Federalni zavod za statistiku - Služba za statistiku za područje Kantona Sarajevo prema Klasifikaciji djelatnosti KD BiH 2010 ("Službeni glasnik BiH", broj 47/10) (original ili fotokopija ovjerena od nadležnog organa - općina/notar);
 - e) Bilans stanja na dan 31.12.2023. godine i bilans uspjeha za period od 01.01.2023. do 31.12.2023. godine za pravno lice, odnosno specifikacija za



Adresa: Reisa Džemaludina Čauševića 1, 71 000 Sarajevo
 Tel: + 387 (0) 33 562-122, Fax: + 387 (0) 33 562-226
 Web: <http://mp.ks.gov.ba>, E-mail: mp@mp.ks.gov.ba

3/9

- utvrđivanje dohotka od samostalne djelatnosti SPR - 1053 i Godišnja prijava poreza na dohodak za 2023. godinu za fizičko lice koje obavlja registrovanu djelatnost (originali ili fotokopije ovjerene od nadležnog organa - općina/notar);
- f) Uvjerenje Porezne uprave Federacije BiH o izmirenim obavezama po osnovu poreza i doprinosa sa obaveznim prilogom - Lista osiguranika za obveznika ne starije od 60 dana od dana objave Obavještenja o ovom Javnom pozivu u "Službenim novinama Kantona Sarajevo" (original ili fotokopija ovjerena od nadležnog organa - općina/notar);
- g) Uvjerenje Uprave za indirektno/neizravno oporezivanje BiH o izmirenim indirektnim porezima ne starije od 60 dana od dana objave Obavještenja o ovom Javnom pozivu u "Službenim novinama Kantona Sarajevo" (original ili fotokopija ovjerena od nadležnog organa - općina/notar), izuzev ako je podnosilac prijave dostavio uvjerenje Uprave za indirektno/neizravno oporezivanje BiH da isti nije upisan u Jedinstveni registar obveznika indirektnih poreza iz podtačke c) ove tačke;
- h) Ugovor ili potvrdu banke o otvorenom bankovnom računu na ime podnosioca prijave (original ili fotokopija ovjerena od nadležnog organa - općina/notar);
- i) Izjavu ovlaštenog lica podnosioca prijave u originalu, ovjerenu potpisom ovlaštenog lica, te dodatno ovjerenu od nadležnog organa - općina/notar, kojom ovlašteno lice pod punom moralnom, materijalnom i krivičnom odgovornošću potvrđuje:
- i. da se protiv njega ne vodi krivični postupak i da nije pravosnažno osuđen za počinjenje krivičnog djela i/ili privredni prijestup,
 - ii. da nad podnosiocem prijave u kojem je ovlašteno lice nije otvoren stečajni ili likvidacioni postupak ili da podnosilac prijave u kojem je ovlašteno lice nije obustavio poslovnu djelatnost,
 - iii. da će podnosilac prijave u kojem je ovlašteno lice namjenski utrošiti sredstva ukoliko mu ista budu dodijeljena po ovom Javnom pozivu,
 - iv. da je podnosilac prijave u kojem je ovlašteno lice, u slučaju da je bio korisnik sredstava na osnovu Zakona o poticaju razvoja male privrede ("Službene novine Kantona Sarajevo", broj 29/15), opravdao namjenski utrošak ovih sredstava, a ako nije bio korisnik ovih sredstava da nije bio korisnik ovih sredstava,
 - v. da podnosilac prijave u kojem je ovlašteno lice za predmet poticaja za koji je podnesena prijava po ovom Javnom pozivu nije primio poticajna sredstva putem drugih programa finansiranja/sufinansiranja Vlade Kantona Sarajevo, neke druge institucije u Federaciji BiH ili nevladine organizacije,
 - vi. da podnosilac prijave u kojem je ovlašteno lice nije tri godine uzastopno koristio poticajna sredstva Ministarstva privrede Kantona Sarajevo po bilo kojem programu, računajući od zadnje godine u kojoj su mu sredstva odobrena,
 - vii. da je saglasan da rezultat ovog Javnog poziva bude objavljen na web stranici Ministarstva privrede Kantona Sarajevo;
 - viii. da je saglasan da Ministarstvo privrede Kantona Sarajevo i Komisija za izbor korisnika poticajnih sredstava po ovom Javnom pozivu mogu obrađivati dokumente kojima se dokazuje njegov lični identitet i lični identitet drugih lica u vezi sa predmetnom prijavom shodno



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-122, Fax: + 387 (0) 33 562-226
Web: <http://mp.ks.gov.ba>, E-mail: mp@mp.ks.gov.ba

4/9

odredbama Zakona o zaštiti ličnih podataka ("Službeni glasnik BiH", br. 49/06, 76/11 i 89/11); i

j) Druge dokumente ako su propisani Javnim pozivom.

3) Posebne isprave i drugu posebnu dokumentaciju, kako slijedi:

- a) Projekat, ovjeren potpisom ovlaštenog lica i pečatom podnosioca prijave (original), prilagođen krajnjem cilju zapošljavanja polaznika internog programa obuke koji uspješno završe predmetni program obuke, u kojem su budžetske stavke zasnovane na tačno utvrđenim troškovima, a ne na približnim procjenama i koji obavezno mora sadržavati sljedeće:
- i. naziv projekta,
 - ii. detaljan opis plana realizacije,
 - iii. ključne aktivnosti,
 - iv. plan implementacije projektnih aktivnosti,
 - v. rok za realizaciju projekta koji ne može biti duži od šest mjeseci od dana dodjele poticajnih sredstava odabranom korisniku,
 - vi. pregled budžeta projekta koji je usklađen sa narativnim opisom projekta, čije stavke prate logičan slijed aktivnosti projekta i koji uključuje: sve aktivnosti koje je potrebno realizovati iz traženih poticajnih sredstava, troškove za koje implementator projekta očekuje da će nastati za vrijeme trajanja projekta, iznos i namjenu vlastitog učešća podnosioca prijave, traženi iznos poticajnih sredstava po svakom zaposleniku kojeg se podnosilac prijave obavezuje zaposliti u slučaju da mu se dodjele poticajna sredstva, ukupan budžet projekta, a tabelarni prikaz planiranog utroška sredstava mora obuhvatiti sve budžetske stavke jasno i kratko opisane sa definisanom mjernom jedinicom, brojem jedinica i jediničnom cijenom, gdje njihov rezultat daje ukupnu vrijednost svake takve budžetske stavke,
 - vii. dodatna pojašnjenja budžetskih stavki navedenih u pregledu budžeta iz podtačke a) pod vi. ove tačke,
 - viii. planirani broj polaznika obuke,
 - ix. planirani broj novozaposlenih lica koji su uspješno završili obuku,
 - x. vrijeme trajanja obuke,
 - xi. jasna elaboracija karaktera i prirode projekta,
 - xii. mjerljive rezultate realizacije projekta;
- b) Izjavu u originalu, na memorandumu podnosioca prijave, ovjerenu pečatom podnosioca prijave i potpisanu od ovlaštenog lica podnosioca prijave o organizovanosti, broju i kvalifikacionoj strukturi zaposlenih kod podnosioca prijave;
- c) Izjavu u originalu, na memorandumu podnosioca prijave, ovjerenu pečatom podnosioca prijave i potpisanu od ovlaštenog lica podnosioca prijave o broju i kvalifikacionoj strukturi lica angažovanih za provedbu projekta.

Napomena 1: Prijava obavezno mora sadržavati sve potrebne isprave i dokumentaciju iz tačaka 1), 2) i 3) Poglavlja V ovog Javnog poziva, a ove isprave i dokumentacija trebaju biti poredane tačnim redoslijedom koji je propisan ovim Poglavljem. Prijava treba biti čvrsto uvezana, a sve strane prijave numerisane i ovjerene pečatom podnosioca prijave i potpisom ovlaštenog lica podnosioca prijave.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-122, Fax: + 387 (0) 33 562-226
Web: <http://mp.ks.gov.ba>, E-mail: mp@mp.ks.gov.ba

5/9

Napomena 2: Poticajna sredstva se neće dodijeliti podnosiocu prijave koji ima dospjeli dug po osnovu poreza i doprinosa, osim ako je podnositelj prijave umjesto dokaza iz podtačke f) i g) tačke 2) ovog Poglavlja dostavio potpisan ugovor sa Poreznom upravom Federacije BiH i/ili Upravom za indirektno/neizravno oporezivanje BiH o otplati duga na rate sa potvrdom nadležnih organa o uredno izmirenim ugovornim obavezama o otplati duga na rate (original ili fotokopija ovjerena od nadležnog organa - općina/notar).

Napomena 3: Ukoliko se naknadno utvrdi da su tvrdnje u izjavi podnosioca prijave iz podtačke i) tačke 2) ovog Poglavlja i podtačke b) i c) tačke 3) ovog Poglavlja neistinite, kao i da je druga dokumentacija podnosioca prijave propisana ovim Poglavljem neistinita, prijava se neće uzeti u razmatranje, a ukoliko se ove činjenice utvrde nakon dodjele poticajnih sredstava, podnositelj prijave kojem budu dodijeljena sredstva dužan je izvršiti povrat ovih sredstava sa pripadajućim zakonskim zateznim kamatama.

VI ROK ZA PODNOŠENJE PRIJAVA

Rok za dostavljanje prijave je 30 (trideset) dana od dana objave Obavještenja o Javnom pozivu u "Službenim novinama Kantona Sarajevo", odnosno od 13.06.2024. godine. Javni poziv i prijavni obrazac objavljeni su na web stranici Ministarstva privrede Kantona Sarajevo: <http://mp.ks.gov.ba/>.

VII MJESTO I NAČIN PODNOŠENJA PRIJAVA

Prijave se podnose u zatvorenoj koverti direktno na protokol Kantona Sarajevo ili preporučeno putem pošte na adresu: Ministarstvo privrede Kantona Sarajevo, ulica Reisa Džemaludina Čauševića broj 1, sa naznakom "Ne otvarati - po Javnom pozivu za dostavljanje prijave za poticaj unapređenja poduzetništva u IT industriji, industriji globalnih poslovnih servisa, metalnoj industriji i drvnoprerađivačkoj industriji u svrhu novog zapošljavanja". Na poledini koverta obavezno je navesti sljedeće: puni naziv podnosioca prijave, adresa i kontakt telefon, te ovjeriti pečatom.

Osim za program "Obezbjedenje kreditiranja pod povoljnijim uslovima" iz Godišnjeg plana, po kojem se izbor krajnjih korisnika poticajnih kreditnih sredstava obavlja u skladu sa javnim pozivom koji objavljuje odabrana banka, subjekt male privrede može podnijeti najviše dvije prijave, tj. po jednu prijavu za najviše dva pojedinačna programa iz Godišnjeg plana. U slučaju da je subjekt podnio dvije prijave po odnosnim programima iz Godišnjeg plana, subjekt/podnositelj prijave obavezan je u prijavnom obrascu navesti koja je prijava prioriteta. Ukoliko su obje prijave formalno-pravno ispravne, Ministarstvo privrede Kantona Sarajevo će razmotriti i odobriti poticaj za samo jednu prijavu prema označenom prioritetu ili redoslijedu zaprimanja prijave na protokolu ukoliko u istim nije navedeno koja je prijava prioriteta. Opće isprave i drugu opću dokumentaciju koja se traži u Poglavlju V tačka 2) ovog Javnog poziva, subjekt može dostaviti uz samo jednu prijavu na neki od javnih poziva objavljenih na osnovu programa iz Godišnjeg plana, pri čemu je obavezan u prijavi navesti uz koju prijavu je dostavio ove opće isprave i drugu opću dokumentaciju.

VIII USLOVI I KRITERIJI ZA IZBOR KORISNIKA

Sve dostavljene prijave će se razmatrati komisijski u dva koraka, a u skladu sa propisanim uslovima, pravilima i kriterijima ovog Javnog poziva.

a) Ocjena ispunjenosti uslova

U sklopu ovog koraka, po prijemu i otvaranju prijave, ocjenjuju se sljedeći elementi:



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-122, Fax: + 387 (0) 33 562-226
Web: <http://mp.ks.gov.ba>, E-mail: mp@mp.ks.gov.ba

6/9

- i. Da li je prijava stigla u utvrđenom roku. Ukoliko nije, prijava se dalje ne razmatra.
- ii. Da li je dostavljen prijavni obrazac, isprave i druga dokumentacija u skladu sa poglavljem V ovog Javnog poziva.
- iii. Ukoliko iznos traženih sredstava podnosioca prijave koji zadovolje uslove iz podtačaka i. i ii. ove tačke, odnosno sve uslove iz ovog Javnog poziva ne pređe limit iz Poglavlja III ovog Javnog poziva, sredstva se dodjeljuju svim podnosiocima prijave koji zadovolje uslove ovog Javnog poziva po zaključenju ugovora o dodjeli poticajnih sredstava sa Ministarstvom privrede Kantona Sarajevo.
- iv. Ukoliko iznos traženih sredstava podnosioca prijave koji zadovolje uslove ovog Javnog poziva pređe limit iz Poglavlja III ovog Javnog poziva, sredstva se dodjeljuju shodno pravilima i kriterijima iz tačke b) ovog Poglavlja.

b) Pravila i kriteriji za odabir korisnika sredstava

- i. U slučaju da se nakon obrađenih svih prijava po pojedinačnim programima: 4.2.5, 4.2.7, 4.2.8, 4.2.9, 4.2.10 i 4.2.11 iz Godišnjeg plana, u postupku izbora korisnika poticajnih sredstava po odnosnom pojedinačnom programu utvrdi da je planirani iznos sredstava za taj pojedinačni program veći od iznosa sredstava utvrđenog nakon svih obrađenih prijava za taj pojedinačni program, taj dio sredstava može se preraspodijeliti i odobriti na one pojedinačne programe za koje planirana sredstva nisu dostatna, tj. dovoljna shodno zaprimljenim i obrađenim urednim prijavama. Odnosna preraspodjela sredstava po pojedinačnim programima utvrđuje se odlukom Ministarstva privrede Kantona Sarajevo i odnosi se na sve javne pozive za izbor korisnika poticajnih sredstava po pojedinačnim programima: 4.2.5, 4.2.7, 4.2.8, 4.2.9, 4.2.10 i 4.2.11 iz Godišnjeg plana.
- ii. Ukoliko preraspodjelom sredstava iz podtačke i. ove tačke nije moguće obezbijediti iznose sredstava koji su dostatni, tj. dovoljni shodno zaprimljenim i obrađenim urednim prijavama za pojedinačne programe: 4.2.5, 4.2.7, 4.2.8, 4.2.9, 4.2.10 i 4.2.11 iz Godišnjeg plana, preraspodjela sredstava u cilju obezbjeđenja sredstava do potrebnog iznosa po pojedinačnom programu, izvršit će se prema sljedećem redoslijedu pojedinačnih programa: 4.2.8, 4.2.9, 4.2.10, 4.2.5, 4.2.7 i 4.2.11.
- iii. Ako se preraspodjelom sredstava iz podtačaka i. i ii. ove tačke ne obezbijedi potreban iznos sredstava po određenim - preostalim pojedinačnim programima iz redoslijeda iz podtačke ii. ove tačke, podnosioci prijave po tim pojedinačnim programima mogu ostvariti pravo na poticajna sredstva u proceduri ocjenjivanja prijave prema sljedećim kriterijima: A - Vrsta djelatnosti (četiri grupe, maksimalno 30 bodova); B - Broj zaposlenih (četiri grupe, maksimalno 40 bodova); i C - Ostvareni prihod (četiri grupe, maksimalno 30 bodova). Za kriterije: A, B i C, iznos bodova u svakoj pojedinačnoj grupi utvrđen je u Tabeli 2. ovog Javnog poziva.
- iv. Nakon izvršenog bodovanja iz podtačke iii. ove tačke, za grupu aplikanata koji ostvare broj bodova koji se u cijelosti nalazi unutar definiranog limita sredstava po odnosnom pojedinačnom programu (Grupa I), bit će isplaćen cjelokupan iznos sredstava traženih u odnosnim pojedinačnim prijavama ovih aplikanata.
- v. Za preostala sredstva formira se Grupa II od preostalih aplikanata sa najvećim brojem bodova. Ovim aplikantima sredstva će biti isplaćena proporcionalno iznosu sredstava iz odnosnog zahtjeva i sredstava koja su preostala nakon raspodjele sredstava iz podtačke iv. ove tačke. Iznos sredstava koji će biti isplaćen po pojedinačnom aplikantu iz Grupe II obračunava se na sljedeći način: (Ukupan preostali iznos sredstava do definiranog limita iz Poglavlja III ovog Javnog poziva/Ukupan traženi iznos sredstava



svih aplikanata iz Grupe II) x (Pojedinačni traženi iznos sredstava aplikanta iz Grupe II).

Tabela 2. Kriteriji za izbor korisnika sredstava

R/b	Kriterij	Vrsta djelatnosti	Broj bodova	Izvor verifikacije
1.	Vrsta djelatnosti (dozvoljene šifre u Području djelatnosti prema KD BiH 2010)	Područje J (za šifre djelatnosti iz Tabele 1. ovog Javnog poziva)	30	Obavještenje o razvrstavanju poslovnog subjekta prema KD BiH 2010
		Područje M (za šifre djelatnosti iz Tabele 1. ovog Javnog poziva)	29	
		Područja C (za šifre djelatnosti iz Tabele 1. ovog Javnog poziva)	28	
		Područja N (za šifre djelatnosti iz Tabele 1. ovog Javnog poziva)	27	
2.	Broj zaposlenih	Više od 100	40	Potvrda PU i Lista osiguranih lica za obveznika
		Od 31 do 100	30	
		Od 10 do 30	20	
		Od 5 do 9	15	
3.	Dobit	Više od 150.000,00	30	Bilans stanja i bilans uspjeha, odnosno Obrazac SPR-1053 i Godišnja prijava poreza na dohodak
		Od 75.000 do 150.000,00	25	
		Od 50.000 do 75.000,00	20	
		Do 50.000,00	15	

Napomena: Podnosilac prijave koji u dostavljenim finansijskim izvještajima ima iskazan gubitak, vezano za kriterij 3. Tabele 2. ocjenjuje se sa 0 bodova.

IX NAMJENA UTROŠKA SREDSTAVA DODIJELJENIH PO JAVNOM POZIVU

Namjena dodijeljenih sredstava po ovom Javnom pozivu je jačanje konkurentnosti poduzetnika u IT industriji, industriji globalnih poslovnih servisa, metalskoj industriji i drvnoprerađivačkoj industriji. Poticajnim sredstvima po ovom Javnom pozivu subvencionira se dio troškova poslovnih subjekata za provođenje internog programa obuke prema dostavljenom projektu, a koji nakon provedenog ovog programa obuke kreiraju platforme za zapošljavanje polaznika obuke u istoj ili drugim kompanijama i koji zaposle određeni broj polaznika obuke koji su naveli u projektu. Programom se daje podrška unapređenju kvaliteta znanja, prilagođavanja tržištu rada u ovim subjektima sa krajnjim ciljem da se nakon provedenog internog programa obuke izvrši zapošljavanje osoba koje su uspješno završile obuku baziranu na znanju i savremenim tehnologijama i izabrane su od ovih poslovnih subjekata. Odobrena poticajna sredstva služe za finansiranje/sufinansiranje troškova provođenja obuke na osnovu projekta.

X OSTALE ODREDBE

Korisnik sredstava koji bude odabran po ovom Javnom pozivu obavezan je, u skladu sa odukom Vlade Kantona Sarajevo o odabiru korisnika poticajnih sredstava po ovom Javnom pozivu i ugovoru o dodjeli poticajnih sredstava, dostaviti bezuslovnu i na prvi poziv naplativu bankovnu garanciju u visini iznosa ugovorenih/odobrenih sredstava uvećanog za ugovorne kazne i zakonske zatezne kamate. Troškovi obezbjeđenja ove bankovne garancije padaju na teret korisnika sredstava. Sa odabranim korisnicima Ministarstvo privrede Kantona Sarajevo zaključuje ugovor o dodjeli poticajnih sredstava, nakon čega se sredstva doznačavaju na dostavljene račune korisnika. U skladu sa ugovorom korisnici sredstava dužni su u roku i na način propisan ugovorom za sve aktivnosti dostaviti Izvještaj sa traženim dokazima o namjenskom utrošku poticajnih sredstava. Uz redovni Izvještaj o utrošku sredstava korisnik sredstava po ovom Javnom pozivu obavezan je dostaviti i dokaze o provedenom projektu koji



Adresa: Reisa Džemaludina Čauševića 1, 71 000 Sarajevo
 Tel: + 387 (0) 33 562-122, Fax: + 387 (0) 33 562-226
 Web: <http://mp.ks.gov.ba>, E-mail: mp@mp.ks.gov.ba

uključuje ugovore i/ili račune uz fiskalne račune (ukoliko postoji zakonska obaveza za izdavanje fiskalnog računa) i pripadajuće dokaze o plaćanju ovih računa (izvodi iz banke i potvrde banke o realizovanim nalogima za plaćanje) kojima se dokazuje namjensko korištenje sredstava u skladu sa projektom, bilansnu evidenciju stalnih sredstava (u slučaju nabavke opreme), fotodokumentaciju opreme i potvrdu Porezne uprave Federacije BiH o novouposlenim radnicima. Ove obaveze korisnika sredstava bit će detaljno utvrđene u ugovoru o dodjeli poticajnih sredstava.

Podnosilac prijave, tj. korisnik je obavezan da se prilikom implementacije sredstava pridržava svih pozitivnih zakonskih propisa koji se primjenjuju u Bosni i Hercegovini, Federaciji Bosne i Hercegovine i Kantonu Sarajevo, a Ministarstvo privrede Kantona Sarajevo se obavezuje da vrši nadzor nad provođenjem ugovornih obaveza iz ovog ugovora, uvidom u odnosnu dokumentaciju u vlastitim prostorijama i kod korisnika sredstava, a u slučaju potrebe i uvidom u podatke pribavljene službenim putem od strane odnosnog nadležnog organa. Ministarstvo privrede Kantona Sarajevo pri vršenju nadzora poduzima mjere iz svoje nadležnosti, a u slučaju kada činjenično utvrdi razlog za poduzimanje odnosne mjere ili utvrdi postojanje osnovane sumnje da postoji krivična odgovornost određenog lica, u njegovom postupanju prije i nakon zaključenja ugovora, Ministarstvo privrede Kantona Sarajevo će bez odgađanja pokrenuti postupak utvrđivanja krivične odgovornosti tog lica. U postupku po ovom Javnom pozivu Ministarstvo privrede Kantona Sarajevo zadržava pravo da dostavljene prijave za pojedinačne programe iz ovog Javnog poziva prihvati u cijelosti, djelomično, ili ih odbije, te da poništi ovaj Javni poziv, ili da odbaci sve programe/projekte, u bilo koje vrijeme prije zaključenja ugovora. Ministarstvo privrede Kantona Sarajevo ne snosi odgovornost prema učesnicima ovog Javnog poziva, u pogledu aktivnosti koje su preduzeli u cilju podnošenja prijave za određeni program. Podnosilac prijave po ovom Javnom pozivu, u cilju zaštite svojih prava, može dostaviti pisani prigovor Ministarstvu privrede Kantona Sarajevo, u roku od osam dana od dana objave preliminarnog prijedloga korisnika poticajnih sredstava. Po ovom prigovoru riješava Ministarstvo privrede Kantona Sarajevo, najkasnije u roku od 15 dana.

Napomena: Zahtjev za dodatne informacije po određenim pitanjima iz ovog Javnog poziva se može podnijeti putem telefona: **033/258-132**, svakim radnom danom od 14:00 do 16:00 sati.



Dostaviti:

1. Evidencija
2. a/a



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-122, Fax: + 387 (0) 33 562-226
Web: <http://mp.ks.gov.ba>, E-mail: mp@mp.ks.gov.ba

9/9

